

FALI, BANKROTI, ADORTI, ENTOMBIĜI, RUINIĜI.

* **Fibro.** Maldika fadeno, kiu, en laŭlonga kunmeto kun samspecaj fadenoj, konsistigas la teksaĵojn de la homaj, bestaj k vegetajaj korpoj : muskolaj B, lignaj ~oj; ~oj de silka fadeno; (f) kontraŭ tiu mensogo mi protestas per ĉiuj ~oj de mia koro Z.

fibrino Z ☞. Organika substanco, kiu estas en la sango k linifo, k kiu disiĝas el tiuj likvaĵoj en formo de filamentoj. **Vegetaja** ~o. Substanco analoga al la animala ~o k kiun oni trovas en gluteno.

fibromo ☞. Tumoro el fibra listo.

fibulo. 1 Prahistoria aŭ antikva broĉo. 2 Arkforma formebla pinglo kun ŝirmita pinto (Kp AGRAFO). 3 ♥ Osto troviĝanta kontraŭ la tibio, ĉe la malantaŭa parto de la kruro.

* **Fidi** (x). Plenkredi je la kapablo, servo, helpo de iu, aŭ je la efiko de io: ne maltrankviliĝu k ~u al mi, mi bone plenumos la komision; ~i nur propran okulon Z; plene ~i pri medikamento; li tro ~as al siaj fortoj, je sia saĝo; mi ~as vian vorton Z; ne ~u heredon, ~u posedon Z (~u havataĵojn pli ol havataĵojn); ~igi (igi ~anta) iun Z. Kp KONFIDI, KREDI. ~o. Sento de ~anto: la ~o pri la sukceso; perdi la ~on al Dio; meti sian ~on sur iun Z; trompi la ~on de iu Z. ~inda Z. Inda je ~o: ~inda persono, metodo, konsilo. Mem~o Z. ~o je si mein, je sia saĝo, kapablo (Kp FIERECO, AROGANTECO, MALHUMIL-ECO). Bon~o. Senartifika, tute ~inda sincereco. Mal~i (x). Tute ne ~i.

* **Fidela.** 1 Plenumanta kun konstanta akurateco k sindoneco la faritajn promesojn; ne trompanta la konfidon de iu; ne perfida: ~a servisto B, disĉiplo, edzino, partiano, hundo; stari ~e ĉe siaj principoj; konservi ~econ al iu Z. Kp LOJALA. 2 Konforma al originalo aŭ al vero, ekzakta: ~a traduko B, rakonto, raporto, memoro, historiisto; ~e ripeti la diritajn vortojn. ~ulo. Homo ~a, precipe al sia religio. Mal~iĝi. Sin montri mal~a (Kp DETURNIĜI, DEFALI, APOSTATIĜI, PERFIDI, TRANSKURI).

* **Fiera.** 1 Konscia pri siaj meritoj: modesta, sed nobla, ~a homo; kun ~a

kuraĝo; ni estas ~aj pri tiu nomo de utopistoj Z; vi rajtas esti ~a pri tia filo; fari mienon ~an al ludo mizera Z (ŝajni sin kontenta pri tio, kion oni ne povas eviti); ~a kastele Z. 2 Malhumila, tro sinŝatanta, aroganta: humila kun la superuloj, k ~a kun la subuloj; mi rompos vian ~an vstinecon Z; ~e rigardi de supre Z, de alte la aliajn Z; la riĉigo tiel ~igis lin, ke li ne plu min salutas (Kp VANTA, MEMFIDA, FANFARONI, MALMODESTA. Vd ALTE, NAZO). ~ (aj) o. Tio, pro kio oni estas ~a: tiaj herovj estas la ~o (~indaĵo, gloraĵo) de Italujo Z. ~ (eo) o. Eco de ~ulo: kun ĝojo k ~eco mi konstatas, ke vi ĉiam montris al mi konfidon Z; antaŭ la pereco iras ~eco Z; malaltigi ies ~econ Z. ~ulo. Homo ~a (Vd PAVO). ~i (ntr). Esti ~a: li ~as pro sia forteco; en feliĉo ne ~a Z; kiu riĉiĝas, liu ~igas Z (Kp FANFARONI, PARADI). ~inda. Epiteto esprimanta ion pri kio oni prave povas ~i: tio ne estas ~inda; lio ne estas ~indaĵo Z (Kp GLORO, HONORO).

fifro p. Malgranda ligna blovinstrumento simila al fluto (= fluteto).

* **Figo.** Sukerdolĉa mola frukto de ~arbo. ~arbo. Arbeto el fam. moracoj (figus).

* **Figuro.** 1 Videbla ekstera formo de estaĵo aŭ objekto: subite virina ~o ekstaris antaŭ mi; ŝia tula ~o estis senmova Z; nun ŝi per sia tula ~o elŝoviĝis en la lumon Z; (f) li estas grava ~o de la angla literaturo. 2 Reprezentado de estaĵo aŭ objekto per belarto: ~oj de dioj; sankt~o Z. 3 Liniaro, sistemo de punktoj, linioj k supraĵoj: geometriaj ~oj. 4 Metafora esprimo: retorikaj ~oj. ~a. Metafora: vorto uzata laŭ la ~a senco. ~l (tr). 1 Prezenti, reprodukti formon, ~on de estaĵo aŭ objekto: la statuo, pentrujo, bildo ~as personon, leonon, floron, vazon. 2 (f) Havi nur la eksteran ŝajnon de: li ~as kiel estro, sed efektive estas nur subulo. ~anto (Tea). Akcesora neparolanta aktoro.

Fikelo. Arbitra kreaĵo de la fantazio: poezia ~o; fabelaj ~oj. Kp MITO, FABELO. ~a. Imagita, nereala, nur ŝajna, konvencia: ~a rakonto, heroo; ~a bilanco; bankbiletoj estas nur ~a mono; komitato havanta forton ne ~an sed efektivan Z.